

四知集仁錄

丁亥秋陳琬



五

1815
442

四庫全書

卷一百一十五



五

皇明四朝成仁錄卷九

屈大均原著

葉恭綽校訂

海寧起義傳

海寧起義曰查美繼曰俞元良

查美繼字仲含海寧人為邑諸生恂恂恭謹若不能言者聞國變義氣奮發散家貲巨萬起兵海寧以為魯監國聲援謁見監國授兵部職方司主事歸引兵與敵將孟某戰於海鹽通園敵不利欲退我師發巨礮擊之風反舟焚美繼死焉

俞元良字某亦海寧人崇禎六年進士海寧起義與美繼

同事城破自經死曰我勿負美繼相要也美繼者其高大
父秉彝以戶科給事疏參嚴嵩父子廷杖幾死謫雲南定
遠典史嵩敗起官至府尹者也

寧波起義傳

寧波起義曰馮元京曰馮京第

馮元京字躋仲慈谿人隆武初以貢生上書行在授監察御史奉命還浙募兵元京乃入餘姚山中與王完勲起義將以應水師肅虜侯黃斌卿富平侯張侯服兵部尚書張煌言謀攻寧波事弗克遂渡江而西再起兵戰敵於青山和平頗有斬獲敵援大至元京退保四明山中被執不屈腰斬死子亦殉焉

馮京第字某寧波人為名諸生魯國主授兵部郎中改御史嘗奉命同黃斌卿之弟孝卿往日本乞師時西洋教人與日本構難講解始退退一日而京第至方戒嚴於外國

以故不聽京第等登陸京第於舟中朝服拜哭不已會其
國遣官行部至京第因致其血書然卒不得請而還在延
平王軍中久後入四明山中起兵與虜戰被執不屈死

金華死事傳

金華死事曰朱大典

朱大典字延之號未孩金華人萬曆四十四年進士累官至兵部尚書敵兵至金華大典以大學士督師固守傾家召募敵攻之月餘不下以持久內潰敵以紅夷大礮破之大典闔門縱火焚死其子師武進人鄭邠亦死

邠陳本作汾



衢州死事死節傳

衢州死事曰張鵬翼曰張鵬飛曰張繼榮死節曰胥自修

張鵬翼字羽宸諸暨人以祖某軍功世襲某君弘光朝為總兵官掛淮海將軍印鎮守寧湖射陽等處為中軍都督府右都督上北狩鵬翼罷兵以歸會紹興義師大起鵬翼破家貲糾率壯健斬敵將自守監國駐紹興率師入援蒙慰勞特甚晉太子少師鵬翼感激知遇頗以中興為己任身先士卒每戰多所斬獲以功封永豐伯鎮守衢州衢州浙閩要地以鵬翼老成宿將故委之重任焉紹興兵敗諸軍以次潰散鵬翼拒守尚堅標下副將秦應科等內應秦

本作陳城陷楚王樂安王晉平王皆被殺鵬翼與弟鵬飛繼

榮被執大罵至斷舌聲猶不絕同日鸞死鵬飛字耀字武

舉人歷官永豐藩前鋒左軍都督府左都督繼榮字君實

世襲歷官永豐藩掛鎮威將軍印右軍都督府右都督兄

弟皆伯爵時督學御史王景亮亦不屈被殺

胥自修字二如江寧縣人萬曆四十年舉人後登進士初

知曲陽縣

陽陳本作江

有德政為三輔最丁艱歸補宜黃以不

能逢迎與上官忤降秩衢州府簡較陞光祿監事尚未離

衢會國變聞自修具冠服北面再拜自是絕粒子弟微勸

之不顧曰吾無他能惟一死以報朝廷耳城破不屈被刺

死

浦城死事傳

浦城死事曰鄭為虹曰黃大鵬

鄭為虹字天玉未詳何許人

原注云一云揚州人按張本作揚州人無未詳何許人五

字明史本傳作江都人

崇禎十六年進士隆武二年秋以巡按御史

與給事中黃大鵬駐建寧府敵至閉城發倉米庫銀犒軍歡呼而去一郡以全八月十七日敵至浦城百姓哭請出降為虹不可請其出走亦不可未幾敵大至擁見貝勒不跪貝勒嘉之不忍殺勸之薙髮為虹曰貝國不忠辱先不孝忠孝俱虧雖生何用寧求速飲白刃髮不可斷也明日復邀之責以輸餉為虹曰吾清白吏安所得金百姓爭欲代輸之為虹又不可噴血大罵貝勒令斬之為虹大呼奮

躍奪刀自刺胸不死遂見殺大鵬同日死之都督洪祖烈
遊擊張萬明萬明子翹鸞為虹僕陳龍皆從死百姓為之
祠焉

黃大鵬字文若

鄒崇建陽縣志作字南溪

建陽人崇禎十三年進士知

縣義烏有政聲擢工科給事中尋轉兵科左給事中

明史本傳

無左

所條奏皆軍國大計侃侃不阿賦性孤介與同官少

所諧合尤以干謁為恥吏部門不投一刺權貴嫉之會有
旨以閩人在任者出巡各關大鵬得請崇安去方在浦城
敵至不屈與其子痛罵死之

天興死節傳

天興死節曰曹學佺曰傳雲龍曰胡上琛

曹學佺字能始別號石倉侯官人萬曆二十三年進士

三東南紀事卷四作三十二

授戶部主事天啓元年分較南闈以文體

被彈對級調用補南京大理評事陞戶部郎中出為四川

參政轉按察使大計降調補廣西副使又以文字忤魏忠

賢罷歸崇禎初兩奉詔起用堅辭予告隆武之初上念先

朝耆舊首召用之補太僕寺卿晉太常抗疏直言無所隱

晉禮部尚書兼攝大司成南宮主冊立大禮兼翰林院大

學士掌蘭臺館事奉詔修天啓崇禎兩朝國史加太子少

保

少保明史本傳作太保

駕出親征以監國御弟為託天興既陷學

佳走鼓山削髮為僧時有倡義者復請學佺為主學佺尋

自經佛前年七十有三

三明史本傳作四

學佺嘗築石倉園藏書

先是天啓六年九月學佺為廣西副使有野史紀略一書
議論與要典相反上令削籍毀板他所著有五經註解精
於讖緯諸子百家俱有采輯有廿一史重編十二代詩選
天下名勝志所刊書克棟動至數千卷人稱為藝林淵藪
喜施予為德於鄉嘗造洪山萬安潘渡三橋梁凡梓里有
旱潦飢饉必捐貲賑濟親友不能葬者皆為卜地有假貸
者不取償以故舉喪之日吊者數千人哭聲震天隆武二
年九月十八日也時通政使馬思理亦死之

傅雲龍字某別號惕菴金谿人崇禎七年進士授中書十

四年改工部都水司主事進郎中出為副使分巡興泉道
尋進按察使加太僕寺少卿仍留任興泉故鄭芝龍門第
藉勢以虐民者多不可問雲龍下車繫裁以法芝龍以是
憾之天興陷隱潛於山中尋為敵帥所得聞其賢以馬來
之入見不屈帥佯為縱釋而使健兒追殺之

胡上琛字席公

原注云一作廸公

世襲福州衛指揮隆武二年天

興陷城守諸軍皆散上琛送其母入山徐與一妾飲藥而
死



泉州死節傳

泉州死節曰蔣德璟

蔣德璟字八公

鄒案明史本傳作字中葆南疆逸史作甲葆明詩選小傳作若柳

泉州人

隆武初起德璟為大學士力辭行人以死請之乃至陞見時首以清屯練軍為言尋與平虜侯鄭芝龍不合當是時

朝廷倚芝龍為重而芝龍桀驁至與閣臣抗禮出入呼殿

聲

呼鄒本作呵

擬於警蹕視主上蔑如也

視鄒本作睥視

繇是君臣相

與猜恨

相與鄒本作兩相

上又殺其所善者陳謙芝龍益憤不平

遂有叛志自以兵不出關無以服物議乃分兵為二

二鄒本作

三聲言萬人實不滿千而鄭鴻逵為大元帥出浙東鄭彩

為副元帥出江西上築壇郊外拜而送之既及關候餉屯